

## Ichachan 58

1. Zo ge meri ddoy Yesusi kiyang?

-Ga bboydiya zo hin ke Yesusi ach ede tomoko.

-Ga bboydiya zo hin ke Yesusi ach ede afala.

-Ga bboydiya zo hin ke Yesusi ach ede k'orsha.

2. Baro de Tuma k'eniye, zuk te Ayhudi tasi katang?

-Ede tasi bergu de ilanga du'u gege al ba ge de Gibs'i teek na t'obi ketuyna gege nyebbay na Tuma k'eniye na du'u gege k'at'isiyong.

3. Yesusi tasi ke ach zo shiyo hach'anang galay kiyene muy ortene saska o k'ajuwa a se'en?

-Saska ga hach'anang na k'ajuwa ga ramang so.

4. Yesusi ach zo shiyo hach'anang gala na uwa niye?

-Ga bboydiya Yesusi ga Tuma na uwa muuko.

5. Zo hin ke indi Yesusi ke bizingitegey kiyene muy Yesusi hinong kiyang?

-Ga bboydiya zo hin ke indi Yesusi ke bizingite gala de achuono sowo.

-Yesusi ibaysi zo komache Set'ani o komache geskinun o komache resedun liyok na zo hinong.

6. Gala de Tuma ach zuk te Israeli ba ge de i ke shega teeko iach Yesusi niye?

-Ga bboydiya gala ngun tuma ge tunto bako na Yesusi mu ku

tuma ge tunto bak.

-Tuma zo gala ke achongi, zo res reset so.

-Tuma zo Yesusi ke achongi, zo res resete i ch'olo so.

-Yene ke zo ge am gala basuwo.

-Zo ke yep Yesusiyo mu baso.

-Ungoch konang zuk te Ferisawi o zo ge ichachan penu de Museyo ngun orte Yesusi na hin ke tagi nen ch'uway.

## Gezeri Mark'osi 7:1-5

1-Zuk te Ferisawi o zo ge ichachan penu de Museyo gen ge ngun Yerusalemi giyo murdine yongo wuba orte Yesusi na,

2-Yongo dditkay teek konang konang ge sina gege onong na amine artaboy.

3-Zuk te Ferisawi o zuk te Ayhudi ge ayayo muuk sina gege sheshek onongi amineng. Ede indi ya ga bboyde tep dambi de zow ge kinguno.

4-O mu a yama gaba giyo, one mu onengi amineng. A muuk kotke na k'erje o dole o tomogite i ke doleyo o kara de ungono mu ondo.

5-Zuk te Ferisawi o ge ichachan penu de Museyo enget Yesusi na sene: "Dditka genu dambi de zow ge bibida tepong na sina gege onong na iye amine na amine kiyang?"

-Zo ge ingkar zuk te Ayhudiyo mar Yesusi o dditka gene

sheshek.

-Ede mar Yesusi o dditka gene sheshek bboydiya Yesusi o dditka gene dambi de zowon tepongo.

-Kichi de zo ge ingkar zuk te Ayhudiyo konang ga diya:

-Zo ge ingkar zuk te Ayhudiyo ishashak penu dege ejugo na ddale penu dege eli de Tumon tuntok.

-Zo ge ingkar zuk te Ayhudiyo indi penu dege ke eli de Tumon.

-Zo ge ingkar zuk te Ayhudiyo indi dambi dege mu ke eli de Tumon.

-Kichi de zo ge ingkar zuk te Ayhudiyo de ayay ga diya:  
-Ede tasi ke Tuma ibaysiga mende tep dambi dege goy.

-Ya ga budin.

-Zo ge ingkar zuk te Ayhudiyo ichachan dambi dege budino na se ke mende dambi dege tepongo, orte Tumon woch'igangi.

-Kichi de zo ge ingkar zuk te Ayhudiyo konang ch'uwa ga diya:

-Ede tasi ke tepka eli de Tumon muuki na dangk'isine

sheshek.

-Kiyene muy zo ge ingkar zuk te Ayhudiyo sap te Tumon eli tugi ramang.

-Dambi de zo ge ingkar zuk te Ayhudiyo kon ga diya:

-Sabo ede ane gala kuskitongo, ede on sina gege.  
-Kiyene muy tara dege ga diraso ch'olo.

-Ede on juyina gege mu.  
-Kiyene muy tara dege ga diraso ch'olo.

-Ede on t'erapeza gege mu.  
-Kiyene muy tara dege ga diraso ch'olo.

-Enget kon ga diya:

-Mokach kon on re de juwon so.  
-Kiyene muy keng de juwun onong na ga diraso.

-Ju a one ko?  
-Ke one iyong.  
-Ga diraso ch'olo.

-Yesusi shik eli de zuk te Ferisawi na ye'ese niye?

Gezeri Mark'osi 7:6

6-Yesusi ye'ese na sene: "Edu giya eliyu tugi ramango. Ilanga k'oma de Tumon Isayasi kon penu de deguwo bboyde i ke manteyo na sene: 'Zo giya tugiy gege batan anyi na tara gege yong al bbich.'"

-Iyere sabo k'oma de Tumon Isayasi sene:

-Zuk te Ayhudi yep Tuma tuo ge so.

-Kiyene muy tara ge dege teek, ede Tuma gayong na yepong.

-Yesusi ch'uwa se niye?

Gezeri Mark'osi 7:7-9

7-Yesusi sene: "Ede zaysiyan hap na ichachan dambi de zowon so.

8-Yesusi ch'uwa sene: "Edu oyseno penu de Tuma elagongo bak na tepo dambi de zowuno."

9-Yesusi yem na sene: "Edu hino ke sho'o ch'arashet na tepo dambi degu so na ch'uwa oyseno bboyde Tuma elagongo baki."

-Zuk te Ayhudiyo bboydiya yep Tuma tuo ge sowo,

-Tuma dda baden dege ko?

-Tuma baden dege ddang na tamaraboy.

-Zo bboydiya geskin dege hayniyongo,

-Tuma dda zo gongo ko?

-Tuma zo gongo ddang na tamaraboy.

-Zo bboydiya Mende Ibaysine yepongo,

-Tuma dda zo gongo ko?

-Tuma zo gongo ddang na tamaraboy.

-Ungoy giya mu zo ge yene ke zuk te Ferisawiyo ale.

-Zo gongo eli de Tumon ichachanong.

-Zo gongo ichachan dambi dege so.

-Nyebba ge de zo gongo, Tuma sene zo ichachan dambi dege hap so.

-Zo gongo tgasi ke ddoygga Tumay.

-Kiyene muy ede Tuma ddojong.

-Mende ddale dambi dene eli de Tumon tuntoko, Tuma ddado ko?

-Tuma men dongo ddang na tamaraboy.

-Mende ddale dambi dene eli de Tumon tuntoko deshi geskin de buytini.

-Mende ngar eli konang eli ge de Tumon liyoko deshi geskin de buytini.

-Dambi konang de zuk te Ferisawi o zo ge ichachan penu de Museyo ga diya:

-Ede tasi ke achuana konang konang amongi, tuma ddaga ede shesheki.

-Ya ga budin.

#### Gezeri Mark'osi 7:14-19

14-Yesusi zeriya zo ortene na sene: “Edu giya muuk tasit na isha’artano sheshek.

15-Ande indi zo kat ke gesida ke de i wado na koy kengak iyong. Ga de kun orte zowon wadako so.

16-De nebbechene iyo shi’i kishi’i.”

17-Yesusi oyse zo gongo mero yongo wado na ddul kesoko. Dditka enget bboyde nen eli iajo.

18-Yesusi ye’ese na sene: “Edu mu iye ya shesheko gayong? Ande i wado na koy tuok na koy reyak teeko, zo ke gesdia indiyongo. Ya edu ddulagong ko?”

19-Nyebba ge diya de koy teeko taray teek koyong na koy kengak so na tolo koy harado wadak.” Goro ge diya Yesusi elese na sene: “Angge amuno muuk ga shei.”

-Ichachan de Yesusi ga diya:

-Angge zo amo muuk, zo ke gesida indiyong.

-Angge al tara ge teeko so indi zo kat ke gesida.

-Angge zo amo hay kengak teek na tolo ch’uwa hay wadak.

-Na indi zo kat ke gesida niye?

-Uwang.

-Angge al tara ge teeko so indi zo kat ke gesida.

-Angge zo chimo achuo wado indi zo ke gesida na uwang.

-Angge zo amo mu indi zo ke gesdia na uwang.

-Angge al tara ge teeko so indi zo kat ke gesida.

-Yesusi eli ch’uwa na se niye?

#### Gezeri Mark'osi 7:20-23

20-Tolo Yesusi yem na sene: “Angge indi zo kat ke gesida ga geskin de kun tara ge de zowono wadako.

21-Ge ngun taray ge zowono wakao ga tasi de geso o kasarset o gurin o shun de me’endon nisen o mokache zuguno gamen.

22-O may o bboyde gesi deshi o luden o bboyde kule deshi o k’emi o oche amset o pururset o babi deshi. Ede ga giya.

23-Geskin de i ko diya muuk kun zoy liyoko inchi zo kat ke gesida.”

-Geskin giya muuk ngun tara ge de zowon wadak.

-Geskin giya muuk al tara ge de zowon teek na Tuma ordo.

- Geskin giya muuk al tara ge de zowon teek na Tuma hinong.
- Geskin giya muuk al tara ge de zowon teek na Tuma k'at'isido.
- Yesusi sene mende ang giya achuo deshiyong na tasi tara ge teeko, sap te Tumon ga geskin ch'olo.
- Geskin konese tara ge de zowon teek na kun wadak.
- Geskin giya muuk al tara ge de zowon teek an indi tara muuk kat ke gesida.
- Tuma tara de geso konang mu ddang.
- Tuma k'at'isi tara de geso konang konang muuk.
- Yongo tolo Yesusi ichachan zo tudache zo ge al ke ramango iajo.
- Men kon ga mende Ferisawi.

Gezeri Luk'asi 18:9-12

- 9-Tolo Yesusi elese zo ge se ke ede aga sheyda na geskin dege untoga na bbas zo ge ayayao iachiya na sene:
- 10-"Ilanga zo ramang hay kese zo kenjiyese Tuma teek na hin ke ay ele o Tumay. De i ke konango ga mende zuk te Ferisawi. De i ke ramango ga mende lim gibiriyo.
- 11-De Ferisawiyu tes kok na ele o Tuma tara ge teek

na sene: 'Tumaye. Anyi bboyde bidede zow ge ayayo kugurasi na gere gere kindi na ke kasari kiyong na bidede mendu diya lim gibiriyo mu kiyongo. Kabatenjo.

12-Anyi ungoy ge al ke isaba teek, kepesh amset duru ungo ramang na anggey ge kojano teek muuk gen kayen ke genu.'" "

-Mende Ferisawi koy kese zo kenjiyese Tuma teek na hin ke ele o Tumay.

-Mende Ferisawi dangk'isine sheshek.  
-Mende Ferisawi tasi ke geskin konang mu deshiyong.

-Mende Ferisawi tasi ke deshiga shektin soy.

-Ya ga budin  
-Nen tasi ke Tuma ddaga nen nyebba ge de shektinu deney.

-Mende Ferisawi iach K'ayeli.

-K'ayeli tasi ke woch'iga orte Tumon gortene soy.  
-Kiyene muy Tuma tamaraboy.

-Yene ke Tuma mar K'ayeliyo, Tuma mu mar mende Ferisawi.

-Mende ayay ga mende lim gibiriyo.

Gezeri Luk'asi 18:13

13-Yesusi sene: “De lim gibiriyo yong tes renak na tumok tuntok mu kabara gene kok ibba na hinong. Kiyene muy chuk bboguch sido ge na sene: ‘Tumaye. Anyoi kay gesi na wanasagen sho.’”

-Mende lim gibiriyo rosh geskin dene sap te Tumon na hinong.

-Mende lim gibiriyo gay ke deshi geskin shesheki.

-Mende lim gibiriyo gay ke Tuma nen ke ibaysiyongi, ga reset tumu ge de gowon teeki.

-Mende lim gibiriyo hayni geskin dene sap te Tumon.

-Mende lim gibiriyo yep Tuma so na Tuma ibayisiyaboy.

-Mende lim gibiriyo iach Abeli.

-Abeli hayni geskin dene na yep Tuma so.

-Na Tuma ibayisiyaboy.

-Yesusi eli ch’uwa na ach zo poskache tudajun.

Gezeri Luk’asi 18:14

14-Yesusi sene: “Kelagong na de Tuma push geskin dene liyok na yem tuwoko ga men diya lim gibiriyo na ke mende Ferisawiyo iyong. De indi saptene tuntok tuntoko

muuk doyne bak. De yea saptene bak bako yong koy ke buytini.”

-Mende Ferisawiyo geskin dene hayniyong.

-Na ch’uwa Tuma mende Ferisawiyo ibaysiyong.

-Tuma mar mende Ferisawiyo bidede Tuma mar K’ayeliyo.

-Mende lim gibiriyo ga bbich.

-Mende lim gibiriyo hayni geskin dene.

-Na ch’uwa Tuma ibaysi mende lim gibiriyo bidede Tuma ibaysi Abeliyo.

-Zo lim penu de zowon nyebba ge de ang ge zo or wado.

-Zo lim penu de zowon nyebba ge de ang ge achuono so.

-Kiyene muy Tuma lim penu de zowon nyebba ge de tara de zowono.